

畿輔通志卷一百十五

略七十 經政二十二 學校二 承德 永平 河間

天津 正定

承德府

府學在府治東乾隆四十一年建爲熱河道學四十三年定

爲承德府學

大清一統志

教授宅在道署左

府志

學額原額科歲試各取文章六名歲試取武童三名廩膳生

四名增廣生四名二年一貢 學冊

圍場學額每科歲試各取文章二名歲試取武童一名

採訪冊

崇綺松林朱以增奏疏略爲圍場請添設文武學額以興文教事竊查圍場前因劃清界址查丈地畝完竣經署將軍岐元等奏請設官添兵分司治理並聲明圍內居民生齒日繁其中不無有才堪以讀書上進之人同籍應試道路遙遠資斧維艱附入本省沿途各處又無甲社可稽自應先設義學啟導俾知禮義法守將來察看情形再行設立學官添設學

額等因經部議准行知在案嗣據試署圍場撫民通判楊文
 圖詳據貢生張謙吉等聯名呈稱以居民均有學塾應請免
 設義學奏添學額俾士知進取文教日興並由該通判觀風
 考試生童竟有八九十名之多詳閱試卷其中不乏可造之
 才擬請仿照東邊外新設各縣章程奏添學額以鼓士氣等
 情具詳前來當經札飭該管驛巡道妥為核議茲據驛巡道
 廣敏詳覆以該廳缺係新設規模尙未大定設立學校原屬
 無款可籌惟觀風試卷殊多可造之才自應開以登進之路
 查東邊新設通化懷仁等縣當因籌款維艱未設學校會蒙
 奏准每縣先定文學額二名武學額一名由該管同知考試
 後送至省垣由學政錄取該廳事同一律請援照通化懷仁
 等縣奏定章程先定文學額二名武學額一名如逢考試之
 年由該通判考試後造冊連卷送至省垣歸軍糧同知府試
 就近送學政錄取以昭慎重俟將來文風日盛再行推廣學
 額設立學官等情詳請具奏前來臣等覆查圍場地處邊陲
 民間結廬墾種厯有年所生齒日繁化導為先原奏請添設
 義學本屬權宜之計今據該通判查明鄉皆有學士多成材
 亟應援照新設各縣成案添設文武學額以廣登進之路合
 無仰懇 天恩俯准圍場添設文學額二名武學額一名
 每逢歲科考年分由圍場撫民通判考試後送至省垣歸軍
 糧同知府試就近送學政錄取俟將來文風日盛經費充裕
 再行廣增學額建設考棚學官以臻全備理合恭摺具奏

敕部

議覆遵行

秀峯書院在板棚街乾隆四十二年熱河同知伊桑阿建今

圮府志

振秀書院在城隍廟西道光八年知府海忠建同上海忠記略熱河書

院肇自乾隆四十一年禮部議奏七廳各設義學一處時熱河同知伊桑阿奉檄建造越歲落成直隸制軍周公元理為書秀峯書院匾額逮改廳為府設博士立學額而書院如故蓋其時文教初興橫經向學者未遽若今日之盛也歲丙戌余奉命守斯郡諸生迎謁彬彬然質而有文私心竊喜思有以栽植而鼓勵之因書院日久傾圮絃誦無所且為地偏而近市非改建不可會英煦齋相國秉都護節操以請相國首出俸錢以為捐輸者倡於是自觀察暨闔屬牧令胥樂成善霸州崔君以進士司承鐸即主講席就與之謀並屬郡紳之篤義者柳君杲於署東百餘步購隙地鳩工庀材刻日竣事門三楹南向崇其階坳堂中闢左右為塾前後為諸生肄業之區別東西者各六楹講堂歸然翼以旁舍堂之後為主講者退休之室厚其牆垣若庖若齋罔不畢具塾迤左面南之屋二以為掃除伺值者地琴几書案充牣各室賢於鄉名於宦祀典會邀預為祠與講壇並而間以垣請業斯堂備員斯土者瞻仰低徊各宜觸於懷而勵乃志歟工既蒞告厥成於煦齋相國相國為書額命曰振秀時學使彭公邦疇奏請增博士弟子員適蒙俞允而楚生鏞由肄業獲

秋試雋士庶欣欣以為振秀之名信而有驗蓋肄業諸生自丁卯以後無舉於鄉者是役也自七年十一月迄八年七月凡九閱月而建奎閣以答神庥設義學以正蒙養者先後興工亦次第集事經理周章則崔柳二君之力自茲以往願後之君子思剏造之艱勿視為傳舍行館而增其輪奐以溥裁成樂育之休焉是為記

義學在府署西道光八年知府海忠建

郡人童斯銘表承懋厲德仁公捐基址

同上

灤平縣

縣學未建乾隆二年隸入承德州學四十一年始分廳仍隸

州學四十三年改州為府隸入府學本屬各學同

府志

學額原額科歲試各取文童二名歲試取武童一名乾隆四

十三年喀喇河屯廳改為灤平縣加增文額二名武額仍舊

並額設廩膳生三名增廣生三名二年一貢統隸府學

灤江書院在縣治西南乾隆五十二年理事通判景文建

景文

有記嘉慶十九年院長傅文炳捐修

豐甯縣

縣學未建府志

學額原額科歲試各取文章四名歲試取武童二名廩膳生

四名增廣生四名二年一貢統隸府學學冊

鳳山書院在縣署東南道光八年邑人朱子德建府志

平泉州

州學未建府志

學額原額科歲試各取文章四名歲試取武童二名廩膳生

四名增廣生四名二年一貢統隸府學學冊

平泉書院舊在州治南乾隆十一年同知明德建三十八年

同知明興移建州署左明興有記嘉慶十四年同知麟昌重修府志

赤峯縣

縣學未建

府志

學額原額科歲試各取文章四名歲試取武童二名廩膳生

三名增廣生三名二年一貢統隸府學

學冊

赤峯書院乾隆四十三年建嘉慶十九年理藩院員外郎岳

祥改建未竣道光元年邑人趙敬立葺成之

府志

建昌縣

縣學未建

府志

學額原額科歲試各取文章四名歲試取武童二名廩膳生

三名增廣生三名二年一貢統隸府學

學冊

秀塔書院在縣治東北乾隆三十八年通判清格重葺

清格有記

府志

朝陽縣

縣學未建

府志

學額原額科歲試各取文章四名歲試取武童二名廩膳生

三名增廣生三名二年一貢統隸府學

學冊

鳳儀書院在縣署東

府志

附舊廟學

大定府文廟在大定府東南隅虎臣坊

元一統志

當在八溝東北

境今屬平泉州

府志

惠州文廟在惠州西北隅

元一統志

當在八溝境塔子溝南境今

屬平泉州

府志

高州文廟元至元二十年郡侯楊僧口重建

元一統志

當在八溝

喀喇沁北接翁牛特境內今屬赤峯縣

府志

利州文廟在利州西南隅

元一統志

當在塔子溝廳屬喀喇沁左

翼北境內今屬建昌縣

府志

興中州文廟在興中州東北隅

元一統志

當在三座塔地今屬朝

陽縣

府志

川州文廟在州治西南遼時創建金承安五年重修泰和初

趙秉文爲記

元一統志

當在三座塔東北境今屬朝陽縣

府志

建州文廟在建州西北隅

元一統志

當在三座塔西南境今屬朝

陽縣

府志

永平府

府學在府治北始建無考元延祐中總管府達魯噶齊也孫

禿重建至正中總管賈維貞重修明正統中知府李文定天

順中知府周晟成化中知府王璽王問宏治中知府吳傑正

德中知府何詔唐夔嘉靖中知府李遜隆慶中兵備沈應乾

知府劉庠萬厯中兵備宋守約辛應乾張世烈徐準先後增

修

本朝順治九年兵備宋琬知府楊呈彩

雍正志作楊呈祥

康熙六年知

府李興元十六年知府常文魁相繼修

吳國對記略太守三韓常公甫下車卽徧

訪利弊問民疾苦閭閻瘡痍引爲已疚其間釐剔振興有關
民生者善政不一而足乃謁文廟慨然曰

今天子豈

弟作人惟此興賢育才之地士子朝斯夕斯誦法景行而顧
令其頽圯闔沕弗章何以尊聖教而勵儒修也然當此十室
九空之際下竭民力朘民財給貲鳩工經始於康熙十六年
正月望日落成於十一月朔日殿庭巍巍廊廡戔戔輝煌唯
燦煥然一新於前另建書院其中大庭三楹左右環號房十
二間庭後正房五間東西廂房四間爲諸生修息之所庭前
設照壁坊表以界內外大門與周匝牆垣及厨爨等室以供
諸生月課肄業又前此未有余以試事至拜謁畢進諸生而
勗之曰爾知二千石葺廟意乎爾俗剛武雄悍思以柔之狙
詐剽黠思以成之其或輕浮躁淺董之而進於莊鄙樸固陋
飾之而澤於雅非聖道不爲功是故他務未遑而汲汲於此
吾於此而知太守能文也能教也能體

聖天子豈

弟作人之意而以興賢育才爲首務也異日者多士之蔚興大則梁棟舟楫爲邦家光次亦孝弟忠信篤尊君親親之誼化行俗美比戶可封自賢郡守始之而成之矣始其事者卽太守常君文魁因其事而共襄則郡司馬鄭君四國州守灤州馬如龍縣君盧龍呂憲武遷安張一鶚撫甯劉馨昌黎陳邦齊樂亭于成龍永平衛守備杜進梅山海衛守備王天福至督修生員王新鼎例得併書 劉鴻儒記略北平爲畿東名勝之處山水潏帶先賢墨胎氏焜耀千古其間文人粹士接踵歷代而建學於城西北隅規宏而制偉數十年以來兵燹游加榛莽之所蒙塞荆棘於焉蘊崇遂致殿廡堂奧之間椽毀而瓦遷守令諸公若與我絕不相屬者會我公祖常公守茲邦綰綬之始卽汲汲以整理學宮爲己任進屬吏鄉士大夫而咨之咸樂輸恐後鳩工庀材度越前人折正殿而新之輟彝堂而構焉一椽一礎變腐爲燦棟宇節稅麗若妍明門之外有兩坊芟其朽而更奠之易柱以示別坊之內有木柵改以石垂爲可久鏤礖蕃穢環以松翠森蔚周匝望之巍然荷歟盛哉余以是服公祖之知治要而崇先務也我公祖以文章理學表爲經濟能使墨吏解綬豪民怵息敦崇大體首立學宮上以承 朝廷崇儒右文之至意下以鼓士子明道之深心前以接昔聖昔賢茫茫未絕之統緒後以啓十數百年十數百處遙遙無盡之人材雖華穉而不以爲侈雖煩重而不以爲勞致泮林闕宮之盛再見於今日再見於此邦雖古名公卿孰能絜隆於公祖也哉余遊學宮睇觀焉旣有慨於昔因有快於今故記以風天下之凡爲郡守如我公祖

者二十七年兩廡損壞知府□□□暨合郡紳士捐貲修葺

三十六年知府梁世勳同知彭爾年四十八年知府張朝琮

乾隆二十八年知府七十四三十八年知府李奉翰先後增

葺府志咸豐七年修兩廡同治元年知府范梁重修府冊范梁記略郡

學在城西北隅規制宏敞七邑之所瞻仰歲科試遵玉豐諸生咸於此觀禮焉歷年既久日漸傾圯咸豐丁巳前學使李

公案臨亟謀修葺捐廉以倡諭州縣學官生童集捐以成之僅新東西兩廡於時董其役者爲郡紳士王維凝王國柱辛

酉春前學使楊公以明倫堂僅存基址復捐廉議修委其責於前守博公未幾博公卸事梁奉簡命於其夏來守是

邦下車展謁慨然思所以成楊李二公之志顧以爲工鉅而需費多也乃以書院存典息銀七百餘兩益之又昌黎楊生

肇第捐銀四百兩仍俾兩王紳董其役經始於歲秋因其舊制而新之先之以大成殿崇聖祠明倫堂次則戟門櫺星門

又次則鄉賢名宦祠其餘若階若庭若池若坊若門若垣罔不畢治越次王戊冬遂觀成焉巍巍翼翼其足以妥先師之

靈矣乎先是勘工約需銀四千餘兩今止用銀一千五百餘兩有奇工俱堅緻可永久良由兩王紳善區畫舊材可用者

用之捐資或未集王紳維凝先爲籌墊以佐之是以費不溢而工速成也工既竣會梁奉檄調首郡瀕行爲文勒石用誌

歲月云同治
元年十月

教授宅在明倫堂後久廢康熙三十二年教授徐麟祥請借

居北平書院

同上

訓導宅在明倫堂東久廢乾隆二十八年教授楊宸訓導崔

鶴儀重建

同上

學額原額科歲試各取文童二十三名歲試取武童二十名

廩膳生四十名增廣生四十名一年一貢

學冊

孤竹書院在府東北隅望高樓下久廢

府志

北平書院在府學南盧龍縣舊基明隆慶六年知府辛應乾

建

本朝康熙十六年知府常文魁重修

同上

敬勝書院在武廟西舊武廟地乾隆十二年知府盧見曾建

同上

社學

義學在府治後舊設康熙五十四年重建

雍正志

學田其地十二頃五十九畝二分每年租穀由學徵收散

貧士

府志

附舊武學在府治南舊守備廳地明隆慶六年知府辛應乾

建

同上

附遼學順治二年因遼生散居關內始建十二年歸併府學

代理今裁

同上

盧龍縣

縣學在縣治南明洪武二年知縣胡景創建正統中巡按御

史李奎魏林徐宣景泰中知縣胡琮天順中教諭李倫成化

中教諭徐潤訓導王論郭純宏治二年知縣李景華十年知縣吳果十三年知府吳傑嘉靖二年同知張守各有增修

朱明

鑑記略盧龍縣古營州地也洪武己酉爰詔有司建學時令胡君昂相地於郡城東南隅負良面巽而吉遂庀材鳩工構殿廡以妥聖賢堂齋以居師生繚以周垣重以儀門廡舍庠廩制所宜有者要以略具而已正統中加修於巡按御史李奎宏治己酉再修於江都李景華先是環學東南軍民雜處有九丈經畫間值議者遷東盈倉於鄰封乃力請分材得大末撤舊剏新中構殿三間崇二十五尺有奇廣幾崇之倍大成殿南則以舊材購門屋三間又南新構星門左右翼以兩廡各六楹東齋東有舍三處計十有七間學於斯者藏焉是蓋昔所未有而郡守吳公傑爲構之焉嘉靖癸未二守張公承命於提學周公都憲孟公於殿於廡則丹青繪焉於堂於齋則黝堊施焉葺號舍工則實倍於舊日儲經書屋則別構者三間費出缺官而不支於公帑工募士人而不征於夫家始於是年季春二十日訖工於季秋十八年知縣王大猷日孟公名春澤州人周公名宜莆田人二十年知縣吳道南三十八年知縣楊保慶均修四十五年兵備沈應乾遷廟於學左隆慶中知縣潘愚重修萬曆十五

年水圯十七年知府孫維城知縣白希顏同修

明趙廣庚記略盧龍為永

平附郭自洪武己酉肇建學宮萬歷丁亥為霖潦所嚙土木頽圯丹雘剝蝕知府事東郡孫公上事於諸臺報可以公帑之義三百金檄邑令白君董其役經始於己丑之七月迄庚寅之四月告成學諭劉君元卿訓導李君允恭周君道弟子員劉禮等乞一言以紀其事孫公諱維城辛未進士二十八山東邱縣人白君諱希顏丙子進士山西平鹵人

年知縣王袞三十年知縣王象恆天啓三年知縣孫止孝崇

禎六年知縣張煊各補葺

本朝順治三年知縣梁應元重建

石申記略盧龍學宮毀於颶風未能復古有中丞李公曰

芄時知北平嘗出材木修治之未幾徵去今梁公應元來令盧龍覩神位傾圯階序毀於瓦礫泮水多生蔓草退而大懼敬飭祀事即因故而謀仰新之立簿給直工徒和會經始其夏落成其冬廟毀時久棟檻腐折不堪任匠氏之顧公以金易民房五楹薦紳先生暨二三才士致財効謀不一其人而李中丞又賁金犒工其廟已成公諱應元錦州人歷陞天津道副

使

五年知縣趙汲康熙七年知縣閔峻十年知縣魏師段

十七年知縣呂憲武教諭朱持正相繼修

呂憲武記略盧龍學宮考諸碑記創

立於元末盛建於明初迨明季崇禎壬午歲夏月巽二施威聖殿彝堂隨風飄沒一時官師弟子員瞻仰無地乃捐募售買民房重修殿廡門祠制稱粗備僅蔽風雨而已適會我朝定鼎燕都首重文教順治丙戌重修於梁公應元戊子再修於錦州趙公汲斯時明倫堂以及門壁方始就焉康熙戊申又重修於烏程閔公峻余於甲寅歲筮得盧龍令蒞事謁廟見學制宏闊雖經數次重修而闕者猶然未備戊午春大興朱君持正來諭盧庠余與之謀畫即爲捐資首創商民紳士之尙義者一時金錢集濟朱君先勞無倦慨然自任李生廷藩協贊勸董卽覓匠鳩工經營指點易其頽朽整其剝蝕繕補其竇漏再造其傾圯增添聖位中龕以肅威儀更制配哲臺閣以順位次補全先賢先儒之木主重葺泮橋壁水之曲欄櫺星坊前新築品牆以期堅久設以柵欄以嚴內外二經始仲春畢工仲夏敬珥筆直書其事以志不忘云爾

十八年知縣魏立鼎三十七年知縣陳夢熊四十八年知縣

晏賓教諭胡仁濟各有修葺

雍正志

乾隆三十六年教諭丁

輔訓導田雲青重修

縣志

教諭宅在學宮西

同上

訓導宅在教諭宅西

同上

學額原額科歲試各取文章十八名歲試取武童十五名廩

膳生二十名增廣生二十名二年一貢

學冊

書院

社學一在望高樓西一在城隍廟西一在南關街西明隆慶

二年知府劉庠建萬曆十二年知府楊時譽修久廢

縣志

義學一在武學南康熙十年知縣倪爽棠建

縣志

一在城南街

雍正四年建

共地三頃四十畝作為經費

雍正志

學田共地五頃三十三畝每歲共租銀五十兩五分由學徵

收散給貧生歲有報銷

縣志

遷安縣

縣學在縣治東明洪武二年知縣蕭頤創建永樂中知縣邢

冕重修宣德五年巡按御史余思寬補葺

明余思寬記略遷邑學在城東門外